



**KERATAN AKHBAR
DAN MEDIA ONLINE
UNTUK MAKLUMAN :**

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

21 FEBRUARI 2022 (ISNIN)



KEMENTERIAN PERDAGANGAN DALAM NEGERI
DAN HAL EHRAL PENGGUNA

**KERATAN AKHBAR
DAN MEDIA ONLINE
(KPDNHEP)**

21 FEBRUARI 2022 (ISNIN)

Pastikan kit ujian sendiri beli dalam talian dilulus MDA

Kuala Terengganu: Pengguna terutama mereka yang mahu melakukan pembelian secara dalam talian perlu memastikan peralatan kesihatan atau perubatan yang dibeli mendapat kelulusan Pihak Berkuasa Peranti Perubatan Malaysia (MDA).

Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid, berkata langkah itu bagi mengelak pengguna ditipu dengan produk palsu yang boleh membahayakan keselamatan dan kesihatan mereka.

Beliau berkata, semua peralatan dan barangan kesihatan atau perubatan yang dijual di pasaran sepatutnya mendapat kelulusan MDA.

"Baru-baru ini, tular video memaparkan keputusan kit ujian sendiri COVID-19 yang positif hanya dengan menggunakan air paip.

"Setakat ini, kita tidak menerima sebarang aduan rasmi berhubung perkara itu, namun siasatan terperinci sedang dijalankan.

"Kita sedang siasat sama ada kit ujian itu dibeli di premis atau dalam talian dan ia mengambil tempoh kerana kita tidak tahu di mana kejadian itu berlaku.

"Ini yang kita bimbang jika

pembelian dalam talian yang dijual murah dan tiada kelulusan MDA, jadi kita nasihatkan pengguna sebelum beli pastikan ada cop MDA," katanya.

Beliau berkata demikian selepas Program Jualan Keluarga Malaysia (PJKM) di Kampung Batu Hampar, Manir di sini, kelmarin.

Dalam pada itu, Rosol memberi jaminan bekalan kit ujian pantas (RTK) Antigen COVID-19 mencukupi di seluruh negara, termasuk di negeri rekodkan kes positif tinggi.

"Setakat ini, terdapat kira-kira 18 juta unit kit ujian untuk menampung keperluan rakyat dan tidak timbul isu kekurangan bekalan RTK di pasaran kerana pemeriksaan yang dijalankan mendapati ia mencukupi.

"Kerajaan menetapkan harga borong dan runcit maksimum RTK masing-masing RM16 dan RM19.90, namun pemeriksaan mendapati ada yang menjualnya lebih murah daripada itu.

"Apabila ia dijual pada harga murah di sesetengah premis, bekalan memang cepat habis, namun (bekalan) kit ujian itu ada di kedai atau farmasi di kawasan sekitarnya," katanya.



Rosol (kanan) pada Program Jualan Keluarga Malaysia di Kampung Batu Hampar, Kuala Terengganu, kelmarin. (Foto Ghazali Kori/BH)

Kuala Terengganu: Pengguna terutama yang melakukan pembelian secara atas talian perlu memastikan peralatan kesihatan atau perubatan yang dibeli mendapat kelulusan daripada Pihak Berkuasa Peranti Perubatan (MDA).

Timbalan Menteri Perdagangan Dalam Negeri dan Hal Ehwal Pengguna Datuk Rosol Wahid berkata, ia bagi mengelak mereka daripada ditipu dengan produk palsu yang boleh membahayakan keselamatan dan kesihatan mereka.

Menurutnya, semua peralatan dan barangan kesihatan atau perubatan yang dijual di pasaran sepatutnya mendapat kelulusan MDA.

Pastikan alat kesihatan diperakui MDA

"Baru-baru ini, ada video tular memaparkan keputusan kit ujian sendiri Covid-19 yang positif hanya menggunakan air paip dan setakat ini, kita tidak menerima aduan rasmi berhubung perkara itu namun siasatan terperinci sedang dijalankan.

"Kita sedang siasat sama ada kit ujian dibeli di premis atau secara atas talian tetapi ambil masa kerana kita tidak tahu di mana kejadian itu berlaku.

"Ini yang kita bimbang terutama kalau pembelian secara atas talian yang dijual dengan harga murah

dan tiada kelulusan MDA, jadi kita nasihatkan kepada pengguna sebelum beli barang-barang kesihatan pastikan ada cop MDA," katanya.

Beliau berkata demikian ketika ditemui se-

lepas Program Jualan Keluarga Malaysia (PJKM) di Kampung Batu Hampar, Manir di sini, kelmarin.

Sementara itu, Rosol berkata, kerajaan memberi jaminan bekalan Kit Ujian Pantas (RTK) Antigen Co-

vid-19 mencukupi di seluruh negara termasuk di negeri yang merekodkan kes positif yang tinggi.

Katanya, ada 18 juta unit kit ujian untuk menampung keperluan rakyat dan tidak timbul isu kekurangan bekalan RTK di pasaran kerana pemeriksaan dijalankan mendapati ia mencukupi.

"Kita sentiasa pantau keberadaan RTK ini di pasaran dan bekalan memang ada cuma kita nampak (bekalan) RTK ini kurang di tempat yang menjual de-


ngan harga murah.

"Kerajaan menetapkan harga borong dan runcit maksimum

RTK ini masing-masing pada RM16.00 dan RM19.90 namun pemeriksa-

an kita mendapati ada yang menjual lebih murah daripada itu.

"Apabila ia dijual dengan harga murah di sesetengah premis, bekalan itu memang cepat habis namun bekalan kit ujian itu ada di kedai atau farmasi di kawasan sekitarnya," katanya.



**“
Sebelum beli
barang-barang
kesihatan
pastikan ada
cop MDA
Rosol**



Senarai Harga Barang Keperluan	
• Ayam	RM7.99
• Daging Lembu Tempatan	RM42.99
• Daging Lembu Import	RM28
• Telur Gred A	RM12.45
• Ikan Kembung	RM13.90
• Minyak Masak	RM6.35
• Gula Pasir	RM2.85
• Bawang Besar Holland	RM2.39
• Bawang Putih	RM5.50
• Cili Merah	RM9.90
• Kubis Bulat Tempatan	RM2.79
• Tepung Gandum	RM2.20

*Harga (RM/kg) Sumber: KPDNHEP